



**ORKUSTOFNUN**

**Staðsetning hitastigulsholna kringum  
Grenivík**

**Kristján Sæmundsson,  
Ólafur G. Flóvenz**

**Greinargerð KS-ÓGF-97-12**

## STAÐSETNING HITASTIGULSHOLNA KRINGUM GRENVÍK

Í framhaldi af ákvörðun Grýtubakkahrepps um jarðhitaleit með hitastigulsborunum voru borstaðir athugaðir þ. 26.5. 1997. Reynt var að hafa borstaðina jafndreifða innan hóflegrar fjarlægðar frá þorpinu, þar sem grunnt væri á fast berg. Þá var að sjálfsögðu tekið tillit til þeirra vísbendinga um jarðhita sem kunnugt var um eða fundust á þessu svæði auk fyrri borana við þekktar laugar og volgrur. Eftirtaldir staðir voru skoðaðir/valdir.

- 1) **Miðgerði.** Staðurinn er við Fnjóská, um 10 m yfir ánni. Dýpi á fast berg er um 3-4 m. Aðkoma er eftir braut af aðalvegi niður á tún, síðan fylgt túnaðri vestan við skurð að girðingu sem liggur meðfram ánni. Taka þarf girðinguna niður við hornstaur, þar sem hlið er á henni. Síðustu 20-30 metrarnir að borstaðnum eru óræktarmói. Holudýpi 50 m.
- 2) **Lómatjörn.** Staðurinn er ofan vegar um 300 m suðaustan við bæinn, norðan megin við fornan gróinn vatnsfarveg. Frá vegi þarf að fara 100-200 m spöl yfir girðingu og harðbala-holt, og er óslétt smábrekka á leiðinni. Dýpi á fast er um 1 m. Holudýpi 50 m.
- 3) **Hléskógar.** Staðurinn er á holtrana um 100 m ofan við bæinn rátt austan við veginn að Kolgerði. Fara þarf niður af vegkantinum. Síðan er smáhallandi þýfi 20-30 m að borstaðnum. Dýpi á fast er 1-2 m. Holudýpi 50 m.
- 4) **Hvammur.** Staðurinn er vestan við gilið. Klettar eru að því 50-60 m innan við borstaðinn. Grófur ruðningur er fram úr gilinu og er borstaðurinn á honum. Dýpi á fast líklega 5-10 m. Farið er upp frá bænum eftir harðbala. Grafningur og þvergarðar úr mold eru 30 m neðan við borstaðinn, þar ofan við um 5 m breiður bleytusvakki, vel mannheldur. Holudýpi 50 m.
- 5) **Pengilbakki.** Staðurinn er rétt sunnan við Grenivík, neðan vegar á móts við íbúðarhúsið. Þar er mjó renna (um 5 m), kargaþyfð milli vegarins og sjávarbakks sem þarna er um 10 m hárr. Fara þarf niður af óþægilega háum vegkanti til að komast á borstaðinn. Lítill viðvera er í húsinu, en borstaðurinn er einungis 20-30 m frá því. Bora þyrfti í sunnanátt til að fá ekki rykið yfir húsið. Dýpi á fast er um 6 m. Holudýpi 50 m.
- 6) **Árbakki.** Staðurinn er á sjávarbakka skammt norðan við Grenivík. Aðkoma er af veginum út að Finnastöðum niður að gömlum útihúsum frá Árbakka og þaðan eftir sléttum velli á sjávarbakkanum að girðingarhorni kringum kartöflugarð tilheyrandi Holti. Dýpi á fast berg er um 5 m. Hæð yfir sjó um 15 m. Holudýpi 55 m.
- 7) **Hringsdalur.** Staðurinn er á sjávarbakka neðst í túni neðan við eyðibýlið Hringsdal. Slóð liggur frá veginum skammt innan við ræsi í dalbotninum, yfir lækinn og niður að bæjar-rústunum. Leiðin er svolítið votlend á köflum. Þaðan þarf að aka í hlykkjum niður túnið, sem er frekar bratt, og fram undir klettabrúnina. Holudýpi 80 m og áætlað dýpi afast er um 2-3 m.

- 8) **Hjalli/Finnastaðir/.** Staðurinn er á sjávarbakka skammt frá læknum sem rennur rétt austan Hjalla. Ekið er frá veginum rétt austan við lækinn milli Hjalla og Finnastaða, framhjá kartöflugarði og niður undir brún fjörulklettanna. Þar á holan að vera. Bordýpi 70 m og áætlað dýpi á fast er 2 m.
- 9) **Höfði.** Staðurinn er um 400 m norðan við bæinn. Þangað liggur slóð upp með útihúsunum. Síðasta spölinn þarf að keyra yfir ræsi á skurði og túnhorn til að komast að holtsenda þar sem holan á að vera. Dýpi á fast er ca 3-5 m. Holudýpi 50 m. Afbræðslur eru í lóninu þarna framundan.
- 10) **Nes.** Staður a er rúmlega 2 km norðan við bæinn, norðvestan undir holtsrana sem liggur meðfram lóninu að austan. Ekið er eftir slóð langleiðina norður eftir. Síðustu 200 metrana þarf að fara fyrst yfir bleytusvakka (flugvallarjárn nauðsynleg) og síðan eftir sandfjöru og grónum bakka, þar til kreppir svo að ekki verður lengra komist. Dýpi á fast líklega 10-15 m. Holudýpi 50 m.
- 11) **Nes.** Staður b er um það bil 1,5 km í norðaustur frá bænum, við 11,4°C heita volgru í mýrinni sem hallar norður og austur frá holtunum. Dýpi á fast gæti verið 20-30 m. Að-koma er eftir traktorsbraut frá Hléskógi yfir skurð sem þarf að brúa með ræsi og síðan eftir skurðbakka síðasta spölinn. Holudýpi 70 m.

Lagt er til að byrjað verði á holunum í Höfða og Nesi (a og b). Í Nesi eru vísbendingar um jarðhita á báðum borstöðunum. Í Höfða er borað nærrí virkri jarðskjálftasprungu (sbr. djúpskjálftaupptök, mynd 2). Hún gæti verið með bröttum halla, annað hvort til austurs eða vesturs og því eitthvað til hliðar nærrí yfirborði. Að þessum holum boruðum gæti þurft að endurskoða val borstaða, hugsanlega sleppa syðstu og nyrstu holunum, enda voru fleiri borstaðir skoðaðir/valdir til að geta breytt út af ef tilefni yrði til.

Kristján Sæmundsson

Ólafur G. Flóvenz

2 Jun 1997 OGFT  
xy V1.0

625



